



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-01-04-27823-55/20
Sarajevo, 05.08.2020. godine

SKUPŠTINA KANTONA SARAJEVO
-OVDJE-

Predmet: Izjašnjenje na zastupničku inicijativu zastupnice Smiljane Viteškić, **dostavlja se**

Zastupnica Smiljana Viteškić je na 27. radnoj sjednici Skupštine Kantona Sarajevo održanoj dana 28.07.2020. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, pokrenula zastupničku inicijativu „Molim Vas da nam odgovorite dokle se došlo sa projektom kupovine stanova i dodjele na doživotno korištenje putem Ministarstva za boračka pitanja Kantona Sarajevo. Interesira me ostvarivanje zakonskog prava na dodjelu stanova boračkoj populaciji u KS, koliko je zahtjeva, koliko stanova i kada je moguće da će Projekat biti realiziran. Molim pismeni odgovor.“

Na pokrenutu zastupničku inicijativu uvažene zastupnice, dajemo sljedeće

I Z J A Š N J E N J E

Ministarstvo za boračka pitanja, shodno odredbama Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 45/12-Prečišćen tekst, 26/14, 46/17, 18/9, 20/20 i 24/20) realizuje pravo na dodjelu stana u vlasništvo ili dodjelu stana na korištenje određenim kategorijama pripadnika boračke populacije.

Pravo na stan u vlasništvo mogu ostvariti ratni vojni invalidi I grupe i ratni vojni invalidi koji su radno nesposobni po osnovu rane, povrede ili bolesti zadobijene za vrijeme službe u Oružanim snagama R BiH, djeca šehida-poginulih boraca-branitelja i umrlih ratnih vojnih invalida, koja su bez oba roditelja, roditelji šehida – poginulih boraca – branitelja i nezaposlene supruge šehida-poginulih boraca-branitelja koje ostvaruju pravo na porodičnu invalidninu. Riječ je o licima koji nemaju riješeno stambeno pitanje te da imaju prijavljeno prebivalište, odnosno boravište na području Kantona, a najkasnije do 06.02.1999. godine i dalje neprekidno.

Zahtjevi se predaju tokom cijele godine, a trenutno u obradi je osam zahtjeva. Zahtjevi kandidata koji ispunjavaju propisane uvjete uvrštavaju se na listu lica za dodjelu stana u vlasništvo ili za dodjelu stana na korištenje.

Napominjemo, da je utvrđeni redoslijed rješavanja po vremenu predavanja zahtjeva i po prioritetima uslovljenim odredbama Pravilnika za dodjelu stana u vlasništvo ili dodjelu stana na korištenje ("Službene novine Kantona Sarajevo", br. 9/17 i 28/20) a da je kupovina stanova





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

uvjetovana novčanim sredstvima odobrenim u Budžetu za tu namjenu. Također, treba uzeti u obzir da ima podnijetih zahtjeva 2007. godine koji još nisu riješeni.

Trenutno na listama lica za dodjelu stana u vlasništvo evidentirano je 22 roditelja šehida-poginulih boraca-branitelja, 33 ratna vojna invalida i 141 supruga šehida-poginulih boraca-branitelja i 1 lice (supruga šehida-poginulih boraca-branitelja) za dodjelu stana na korištenje, što je ukupno 197 pripadnika boračke populacije.

Objavljen je Javni poziv za prikupljanje ponuda za kupovinu stanova koje Ministarstvo za boračka pitanja Kantona Sarajevo dodjeljuje u vlasništvo ili na korištenje pripadnicima boračkih kategorija, a planirana sredstva za ovu namjenu iznose 3.453.439,00 KM - za kupovinu za dodjelu u vlasništvo i 100.000,00 KM - za kupovinu za dodjelu na korištenje. Očekuje se kupovina cca 43 stana koji će se dodijeliti u vlasništvo ili na korištenje.

Također, napominjem da se u ovoj godini po završetku izgradnje zgrade očekuje dodjela 63 stana i to 56 u vlasništvo i 7 na korištenje, a koji su plaćeni 2018. i 2019. godine.

S poštovanjem,

Dostaviti:

- Predsjedavajućem Skupštine Kantona Sarajevo,
- Sekretaru Skupštine Kantona Sarajevo,
- Sekretaru Vlade Kantona Sarajevo,
- A/a.


MINISTAR
Hajrudin Grabovica


